

西圃集卷二

吳縣潘遵祁順之



跋書後

誥敕錄跋

癸丑

吾歛大阜博鄉堂其蔚公舊宅也中藏公候選州同

敕命二通候選主事 誥命二通 國初歲貢例得考

授外職故公初就州同後以荒政捐資就京職乃由中

書改主事兩次皆封贈父母及本身妻室如例此吾家

得膺 寵命之始自後筮仕京外者百餘年來 絲綸

盈篋從父自通籍至請養自終養復出供職迄於 予

西圃集卷二

一

告前後十有餘次沐 覃恩者尤渥宜敬謹備錄以志

光榮惟累代所得 誥敕或散在異居子姓或攜藏行

篋茲先就錄存者輯為一卷餘俟補刊是卷編次不以

世系尊卑為序而以命下先後為序重 國恩也至先

大夫貤贈外祖史公編修從父貤贈外祖黃公吏部侍

郎遵祁貤贈外祖陸公庶吉士皆推恩外家無關譜系

不復載云

旌表錄跋

癸丑

旌表錄者以紀吾宗之懿行上聞者也其得請而命下者書某年旌其甫請而命未下者書某年題其未題旌

而應表章者則書未經旌表以俟賢士大夫之采訪
國家定制年未逾三十而守節者乃得旌又必核其卒
之歲逾守節之歲十年其存者必五十以上乃得旌惟
烈婦則不論年誠以異數不容輕予亦不得濫邀也其
有守節已逾三十賫志未及十年而有司具陳 朝廷
亦報可者則以所逾所不及不過二三歲而守節之艱
無異三十以內賫志之苦有類激烈以殉者先經有司
給額采入志乘後因得一體請旌此尤 國家之曠典
而其人之苦節倍可憫矣祁聞之族之父老我八世生
祖慈劉太碩人苦節四十八年境遇之艱有子孫所不
忍述者我七世祖筠友公幼失怙恃長而始得見太碩
人迎歸獨居一樓足未嘗下樓一步因登板以覽欲老
年人得土氣以養終天之後我六世祖其蔚公將奉太
碩人主入祠格於族議不得行其蔚公篤修內行凡有
裨於宗族鄉黨者靡不竭力以赴而太碩人主迄未入
祠乃與族人誓俟我子孫有得大魁者當爲補此憾族
人咸諾至乾隆癸丑從父通籍乞假省墓謁敦本祠始
得親奉入祀焉蓋距太碩人賫志之年已閱百三十四
寒暑矣歐陽公之言曰非敢緩也蓋有待也其其蔚公
之於太碩人之謂乎今年癸丑距太碩人主入祠之年

又一周甲祁敬輯支譜纂旌表錄一卷中有年齒稍差而並獲褒揚者爰恪稽定制復推闡國家美意於無窮而謹述我太碩人鬱久而彰之苦節冠於卷端異日者逢國大慶得臚其事蹟邀朝廷綽楔之典以慰我太碩人暨我先人累世未酬之志不誠厚幸也夫

恩榮錄跋

國家以科目取士秋賦有鹿鳴宴春闈有瓊林宴典至重也二百年來重熙累洽壽寓舒長生其間者類多劭德大年有登榜甲子一周得與後進敘同歲禮重遇筵宴者有司以時具陳制輒報可賞賚有差光昭

西園集卷二

三

令典焯乎超軼前代焉願重宴鹿鳴八秩內者已僅重宴瓊林則八秩九秩遞加得第之早享年之永必兩全而後有此盛遇我朝重宴鹿鳴者不能僂指重宴瓊

林者宛平黃詹事叔琳

康熙辛未進士由編修歷官中外以望悞革職乾隆辛未奉

旨原任詹事黃叔琳係康熙辛未探花年臻大耋重遇臚傳歲紀洵稱熙朝人瑞著從優加給侍郎銜欽此

康熙庚辰進士乾隆庚辰賜詩曰庚

深陽史文靖公

康熙庚辰進士乾隆庚辰賜詩曰庚

家聲孝山史羣稱風度曲江張本衙門有新佳話國無史院無舊等行甯獨摺紳慶人瑞贊予文治庶平康無

錫嵇文恭公

雍正庚辰進士乾隆庚辰賜詩曰庚

大興翁閣學方綱

乾隆壬申進士以鴻臚寺卿休致嘉

戊寅二品銜准其赴哀阮文達公詩註辛未科元等在京師卽議先生應與是科之宴先生以壬申尙少一

年願以甲戌科遲二年與宴計已六十二年矣建昌郭經歷祚熾乾隆辛巳進士道光辛巳

由通政司經歷六品銜准其赴宴賞 至先大父而六厥後上元貴大令

逢甲 乾隆壬辰進士道光壬辰賞知州銜准其赴宴夏邑李尚書奕疇乾隆庚子

進士道光己亥重過鹿鳴賞加至從父芝軒公而九

湖自 國初至乾隆癸丑宴瓊林者萬四千二百餘人

重與是宴者僅九人而吾家居其二若滿洲徐文定公

康熙癸丑進士年十九歲壽益都趙贊善執信康熙已未進士

至八十有九見國史本傳黃岡黃翕都材任與趙贊善同年

年十八歲壽至八十有七隨園詩話南昌熊封翁本康熙丙戌進士蔣林

應奎柳南隨筆詩為熊丈茶陵彭協揆維新與熊封翁同年屢起屢謫

海甯陳侍讀邦直康熙乙未進士年二十一歲錢塘

梁侍講同書乾隆壬申特賜進士年三十一歲與翁

三見先生家傳閣學同年嘉慶丁卯重過鹿鳴賞學士

司業銜劉芙初編修覃溪先生重宴瓊林詩註是科同

年為浙中梁山舟晉中鄭東侯兩先生重宴瓊林詩註是科同

復 大庾戴相國均元乾隆乙未進士道光戊子重過鹿

卒雖屆重遇之期皆未得入 奏與宴此外或尚有姓

氏不彰蒐考未及者要亦未易數觀儀徵阮文達公乾隆

已酉進士道光丙午重過鹿鳴 以恩科中式將循覃溪

閣學舊例歸入正科未及入 奏而卒談掌故者惜之

先大父蒙

成廟逾格之恩既擢卿銜准與筵宴復奉 溫旨特免
進京仍加 賞賚從父蒙

皇上御筆賜瓊林人瑞扁額復 賞給孫祖同舉人一體
會試遭際之隆尤曠古未有因謹輯兩世重赴筵宴
事蹟都爲恩榮錄一卷示子孫不忘也至重游泮宮亦
非古稀外不得與吾家族高伯祖默庵公壽八十四歲
乾隆戊戌八十三歲重游族曾伯祖爾容公壽百有二
歲乾隆癸丑八十四歲重游大父壽九十有一嘉慶乙
亥七十六歲重游胞叔祖雲浦公壽八十卽於道光甲
申八十歲重游族叔祖禮園公壽八十有二卽於道光

西圖集卷二

五

戊申八十二歲重游從父今年八十有五道光甲辰七
十六歲重游一門列泮宮者七十餘人而重游者今得
其六亦不可謂非難矣旣刻鹿鳴瓊林紀 恩詩於錄
中又附錄重游泮宮之有詩紀事者以志佳話後人席
祖宗之餘蔭幸掇科名復享大耋有繼美者得附名焉
不益增譜乘光乎雖然名壽天也操修人也我祖宗累
世蘊德宜有是徵古人有言灌其本者枝葉茂凡我後
嗣可不思哉可不勉哉

本支祖容圖恭跋 乙卯

甲寅秋遵祁奉家藏先世遺像屬虞山胡子芑香以次

臨摹副墨始自七世祖筠友公妣張太宜人至先考妣
凡七世彙爲一編將以垂諸家乘而八世祖以上遺像
畱藏歛中臨摹尙有待也今春族兄紹曾弟遵淦來自
歛相與考先世舊聞適族姪士先檢得家藏祖容圖一
軸亟請歸敬謹展仰顧圖無款識世次莫辨叩諸紹曾
等謂自本支始祖德輔公至八世祖玉溪公凡八世並
列元配繼配側室悉與家譜符合蓋紹曾等生長故里
於宗祠所藏歷世祖先像瞻禮旣久故展圖瞭如遵祁
因憶先大父屢謁歛祠撰利貞廳供奉祖像記嘗引蘇
老泉族譜自父以至高祖諱某配某氏享年幾皆書之
以詳吾之所自出旣屬胡子如前臨摹並彙而謹藏之
乃敬考譜系自德輔公至玉溪公識其諱字生配卒葬
歸之士先士先與遵祁蓋同祖玉溪公者庶幾春秋觀
仰益深霜露之思云

西圃集卷二

六

祐公字德輔叔齡公次子生元延祐己未卒明永樂甲
申年八十有六配余氏生卒無考繼配汪氏生元後至
元丙子卒無考吳氏公墓銘無吳氏或係側室生卒無考公同汪氏
吳氏葬大阜擺塢口余氏葬大阜羅家塢

慶公字思忠德輔公四子汪氏出生洪武辛亥卒景泰
丙子年八十有六配汪氏生洪武辛亥卒宣德壬子年

六十有二葬五渡上坑

全壽公字以任思忠公三子生永樂癸未卒景泰癸酉年五十有一配程氏生永樂乙酉卒正統癸亥年三十有九繼配洪氏生永樂庚子卒無考祔葬羅家塢

佛生公字仕源以任公長子程氏出生宣德戊申卒宏治甲寅年六十有七配程氏生宣德庚戌卒正德丙子年八十有七葬大阜苦千源汪家塢

廷護公字公調仕源公長子生景泰壬申卒嘉靖丙申年八十有五配汪氏繼配程氏汪氏生卒俱無考公同汪氏程氏祔葬羅家塢汪氏葬擺塢口

西園集卷二

七

道童公字文瑛公調公五子汪氏出生宏治乙卯卒嘉靖壬戌年六十有八配胡氏繼配吳氏生卒俱無考公同胡氏葬小阜羊鷺坑吳氏葬大阜高路山

萬安公字子凝號喬山文瑛公子胡氏出生嘉靖戊子卒萬曆庚子年七十有三配聶氏生嘉靖丁酉卒嘉靖戊午年二十有二繼配汪氏生嘉靖乙未卒天啟辛酉年八十有七公同聶氏祔葬小阜羊鷺坑汪氏葬大阜

社屋坦

孟信公字時義號玉溪喬山公長子聶氏出生嘉靖丙辰卒萬曆癸丑年五十有八配王氏生嘉靖甲寅卒萬

歷己酉年五十有六側室劉氏生萬歷癸未卒 國朝
順治庚子年七十有八葬大阜茂林薛氏生卒無考葬
大阜高路山王氏生子一仲權公劉氏生子三仲蘭公
仲芳公仲蕙公

謹按佛生公配程氏享年八十有七舊譜失載近見公
三子廷順公遺屬述母氏棄養之歲始得推其詳又道
童公配胡氏生卒無考近見歛族諸抄譜有一本載生
於宏治七年甲寅卒於嘉靖二十一年壬寅年四十有
九應補人家乘圖中所繪兩世像按之年歲似稍有參
差或當日輾轉臨摹所致姑存疑以俟考正云

西園集卷二

八

旌表錄後跋 己巳

咸豐甲寅遵祁謹輯旌表錄述我八世生祖妣劉太碩
人苦節冠於卷端時猶未邀 旌典也粵寇旣平 國
家方表揚節義風勵當世而貞孝節烈之婦一邑中舊
有彙請旌表之例至是益推闡舉行乃謹具節略由有
司聞於 朝得旌如制今年九月敬奉太碩人神位祀
松鱗莊祠以本支合例得旌者附焉子孫將事者凡若
千人追溯太碩人賚志之年蓋已二百有十年矣我七
世祖筠友公支傳至今凡子姓九百七十餘人其弟仲
芳仲蕙兩公支亦不下數百人皆我太碩人之所出自

遷吳以來稱爲巨族而太碩人之苦節乃愈久而愈彰
嗚呼其必有所以致之者矣

書汪氏祖姑母輓詩冊後

汪表叔湘芙之母余胞祖姑母也余不及見祖姑母而
叔主余家掌會計最久故自嬉戲至今幾於無日不相
見叔存心忠厚尤敦倫紀方祖姑母之在堂也以未抱
孫爲憾叔之兄蘭谷表叔勤學質志早歿叔以一人侍
奉左右能慰堂上心及失怙恃支持喪葬盡哀盡禮人
稱難焉祖姑母棄養時余家自大父以下各有輓詞叔
哀而輯之每一展讀思慕之念久而不衰今年丙申叔
春秋六十有八精神強固表弟肇燠年已逾冠恂恂有
家法孫枝繁衍家慶方長暇日出此冊命加跋語叔之
不忘其親益可見矣余不幸年未三十竟斃者已七年
於茲祖硯猶存楹書未讀披覽之下不知涕泗之何從
矣

書族嫂蔣孺人傳後

族嫂蔣孺人余同五世祖兄遵範室也年二十三歸於
潘逮事姑十年而寡又六年而姑卒孺人亦旋逝其在
室也固嘗以孝聞及爲婦益盡職兄早世孺人獨肩事
育任家已落姑又多病菽水之奉湯藥之侍倚十指佐

之積勞瘁遂亦遭疾恒自諱不使姑知逮姑沒強起哭踊不能支越七十五日竟以毀卒卒後二十三年孤鍾瑞旣詮次行略余爲采人家乘矣又廣徵翰墨之士爲表章之詞更請余文以志之余惟我八世祖玉溪公側室劉碩人以苦節昌其家自我六世祖其蔚公以下子姓繁盛皆所自出而鍾瑞五世祖母申亦以節行旌於朝孺人之節格於年例不得旌而其孝尤人所難及他日當以孝婦請不應以常格限之也嗚呼今之爲人婦者服紈綺飲珍羞中饋之事弗問也甚或競妖冶習嬉游內言之出弗羞也其賢者尊嫜在前婢媪在後晨夕而定省焉歲時而鞠脮焉禮在則然耳疴癢弗親侍也澣濯弗分勞也堂上有芘蔭之福室中無勃籜之聲嘖嘖然鄉里稱之戚鄰羨之以視孺人之所處何如哉孺人之侍姑也姑病作必眩悸孺人臥起同一樓聞聲卽至家人無先者寒不增衣暑不握扇夜不交睫晨不饋面久之無倦容旣以痰疾成瘵念貧不能奉參餌益自刻苦茹齋誦佛以祈姑年中間痛母哭兄病愈劇及姑歿已臥牀不起拊枕哀號扶掖至中庭視含斂一慟幾絕項折不能舉未成禮而罷見者墮淚未幾遂卒嗚呼孺人之所處何如哉亦可以風天下之爲人婦者矣

抑余聞之節孝之後子孫必昌鍾瑞其勉之其所以報孺人者宜有在也

書小浮兄手札後

兄長余十六歲余自道光己丑庚寅疊膺大故兄勉勵誘掖之始有簡札投贈二十年來兄嘗循皖越歷湖湘時或省親京邸余亦奔走南北者數載計前後睽隔五六年餘則里巷聚處之日多兄久閉戶余懶出門數旬中一二造蔓庵談必移晷不相見之日輒以筆談爲樂短札往返月必數十次余有詩云綠陰時節池塘靜應憶長鬚剝啄聲紀實也所談多持身應世切近之理或吟咏有得必令加評圍以資心印兄嘗云道理蘊於胸中最圓足一出議論便有崎毗至涉及事跡參以己見則分寸全失旨哉言乎兄每札必署還字偶忘之余輒收藏數年前復盡索去自謂不善書不欲畱傳於外余有以知兄謹小慎微之旨卽一端已如是也嗣余又積數十札至今藏之蓋二十年來獲益於兄者良厚兄亦謂余可與言每握管輒及余由今思之忽忽若前日事可勝慨哉蔣生研貽兄快婿也閒靜介絜執弟子禮甚謹珍是遺墨出以見示皆尋常日用語而字字沈著入人心脾哲萎靡憲宜研貽之歆歔有感歟

明人尺牘目錄跋

自來收藏家往往誇多門靡甚且巧取豪奪務虛名而
尠實獲叩以澤古之益茫如也又或好古太甚必求罕
見之迹絹墨黯澹款識模糊猶珍若拱璧必強證爲某
某眞蹟明窗淨几殊不足以資披對顧子聽安搜尋前
明及 國朝人尺牘前後不下千家裝潢得九十四冊
各標以目錄可謂富矣觀其自序達於因緣遇合之旨
而又分別紙絹遠近年壽以勝代至 國初人紙本譬
諸人在壯歲精神煥發每於風日清美息心靜觀謂可
舒苑結斂放縱有卻病延年之助是眞能有澤古之實
獲者豈徒知人論世可裨學問已哉余不善賞鑑而樂
觀明人眞蹟聞聽安之言先得我心爰引伸其指綴於
目錄之後質諸大雅以爲何如也

汪鑑齋春明畫紀跋

鑑齋水部與余從弟季玉爲中表兄弟季玉又鑑齋妹
婿也甲辰乙巳間同官京師越歲鑑齋南歸季玉以春
明畫紀十二幀寄之余仲弟補之自都門寄題小詞十
二闕鑑齋屬余爲各書於後夫看花載酒誰是解人說
劍論詩罕逢知己以親戚之情話敦友朋之古歡樂是
相知愁難爲別落花有恨游子思歸修竹無言美人望

遠記難摹之清景託無限之深情宜乎獨對西風歎一年之容易相思南國感兩地之乖違也然而棣鄂方滋蘭馨莫負牽懷地主敢忘要約之辭寄語天涯只有平安之字場皆名利何處閉身眷是神仙幾生清福聯牀夜靜宜誦君聽雨之詩襍被春寒又觸我看雲之思爾

上方山塔盤拓本跋

此上方山塔盤拓本有黃小松司馬印記今歸韓丈履卿乃吳中金石之最古者而郡志暨諸家金石考並司馬小蓬萊閣金石文字皆不之載惟古嚶瞿木夫先生葺吳中金石志僅有此目亦無考據物之顯晦固有時

耶郡志所載有隋嚴司戶橫山頂舍利塔銘考塔爲大業四年郡守李顯建當是塔成在先而七年復作此盤隋時此山總名橫山楞伽上方其分號也山頂寺名楞伽寺又名上方寺今屢奉毀禁游展罕到矣至治平寺自在山下爲梁天監時建舊亦名楞伽寺與塔固無涉徐君紫珊題曰治平寺塔盤殆未至其地而誤耶郡志又載治平寺旁有楊越公移郡時所穿巨井井闌側有隋人題字今其字不知尙在否文博雅耆古暇日泛石湖之詩擢尋郊臺之故址攀蘿別薜更拓一本與此銘同藏寶鐵齋中當益補吾郡金石所未備云

徐俟齋先生書畫卷跋

朱孝定稱俟齋先生志極高而不可及卽文章翰墨繪染之事皆斷斷然不屑爲古今第二人先生以海內遺民窮餓終老而零縑斷楮當世珍之若吉光片羽蓋其高風亮節興起百世非徒以文章翰墨繪染之事重也是卷爲先生壽業師沈匡翁作案沈諱明掄字伯敘以恩貢中崇禎癸酉副舉精春秋名著復社與先生之父文靖公善乙酉後授徒自給三十餘年今讀先生之文猶可想其風範而先生之稟承義方擇師講學養之有素於茲益信矣先生自訂居易堂文集載與業師沈伯敘先生書而此文軼之按文中稱金陵某公者蓋指蒙叟匡翁曾館其邸中也復社諸賢當時以聲氣賈禍先後踵接若匡翁之窮年屹屹不入州府與先生志趣尤有鍼芥之契宜乎非先生之文不足以壽匡翁矣卷中題辛亥春正月爲康熙十年迄今甲子適三周先生斷斷然不苟之節溢於楮素卽論文章翰墨繪染之事亦三絕備焉嗚呼斯真不可及矣

須靜齋雲煙過眼錄跋

先大夫侍養家居娛情翰墨四方之士以古今書畫圖籍碑版請質於大父者咸侍坐獲觀焉外大父謹庭先

生爲吳中菽林正法眼藏先大夫每至松下清齋必出所藏相示以是生平鑒別益多暇時偶劄記其梗槩以志欣賞不能盡載也遵祁謹檢遺墨彙鈔成帙已不下百數十種其中偶有一二輾轉歸三松堂者別而識之先大夫嘗言世間寶物所在必有神物護持而一時寓目等之過眼雲煙不知他日流傳何處此生得再遇否爰姑記之因謹題曰須靜齋雲煙過眼錄蓋亦猶手澤存焉之意且以俟墨緣印證之資爾

湖山杖履錄跋

先大夫侍奉里門不離左右大父年高憚遠涉而耽佳

西園集卷二

五

山水郭西諸峯近或一二十里遠不越百里每歲必數至先大夫必操杖以從或朋舊招約日未曛必理歸棹或以事信宿亦未嘗逾三日故生平足跡甚少而春秋佳日膳飲從游命籃輿放煙艇背朝日以出郭指斜陽而到門樂固勝於行萬里尋五岳也遵祁髫髻時大父攜以上生公講臺憩三泉亭登千頃雲觀後山玉蘭大可數抱參差樓閣間鏤雪團雲照耀巖壑今重訪單楸則碎瓦荒坡了無餘槩矣清景一失豈歎此樹婆娑因檢先大夫手書日記凡言游屐所至輒錄之題曰湖山杖履錄雖延攬不越跬步可想見當時林泉養志之歡

復自念今日棲遲邱壑間徒倚松楸支笻馱往湖山如
昨而杖屨渺不可尋又不勝愴慨也已

高郵王氏四世手札跋

先大父治經學與高郵王懷祖先生交有年祇成童時
大父郵書京師從先生乞所著廣雅疏證暨令子伯申
尚書經義述聞二書授祇作家塾本因得窺王氏家學
之盛惜從事帖括不獲專心溯其涯涘後與先生之孫
子蘭比部同舉京兆試見子蘭恂恂儒雅簿書之暇手
一卷不釋所居之處經籍排比其淵源蓋有自也祇歸
鄉里子蘭卽出守郡旋擢觀察客歲殉難武昌王氏累

西園集卷二

七

世科第經術文章甲於大江南北子蘭復以氣節顯且
聞其子以救父從死一門忠孝詎非通經致用之大焉
者嗚呼何其盛歟吾師碩甫先生於先生家交及四世
暇日出示是卷前輩說經鏗鏗與夫拳拳故舊之念讀
之令人神往祇獨悲子蘭生平著述未知散佚何所故
家喬木流風餘韻猶有存者三復是卷吾師之俯仰陳
述慨今追昔也宜哉

董北苑夏山圖卷子跋二則

昔人論北苑畫山川渾厚草木華滋然不見眞蹟安知
此八字實實道出北苑眞際耶且此八字景象無日不

在天地間獨北苑能攝之縑素醇士前輩謂天地中和之氣借北苑發之余謂北苑實洩造化之秘耳咸豐辛酉孟冬韻初孝廉招遊鐵沙鑒賞所藏法書名畫出示此卷歡喜讚歎不可思議越日又獲觀溪山行旅半幅立軸舊爲石田翁家藏墨法正同兼有人物屋宇之勝爲石田一生得力秘本並識此以侈眼福

韻初與思翁同郡性高潔酷嗜金石書畫聞古人名蹟必多方訪求之而世間瑰寶若有神物護持悉歸清祕是卷思翁當日得之已詫爲奇觀越二百數十年復歸於松郡豈尋常翰墨緣哉韻初得是卷顏其室曰寶董可與斯圖不朽矣

西園集卷二

十七

董思翁山水冊跋

自來鑒藏家若宋之米元章元之倪雲林明之文衡山董香光 國朝之王煙客皆以能畫名蓋眞知篤好而又得古人名蹟寢饋其中事半功倍有必然者韻初孝廉愛畫入骨髓又樂村居幽僻載所藏特健藥日坐一小樓朝煙夕霏奔赴几案吾知揮毫落紙動與古人相會他日必當以繪事繼美前人不徒以箸錄壽世僅僅若朱性父輩已也余旣獲觀北苑眞蹟復展玩是冊益信思翁傳燈之所自爰書此爲韻初望焉

戴文節畫冊跋

道光戊戌余始晤文節公於從父文恭公淀園 賜第
自後亦不數數覲迨丁未夏晤公於澄懷園某翰林坐
中遂與公不復見矣余歸田卜築鄧尉山中公亦退居
西泠余時以翰墨之事寄請嘗爲作湖山偕隱圖一四
梅閣圖一山居圖一皆存篋中公今獨有千古矣翰墨
之在人間方與日星河並壽復何俟余贅言獨是回
憶澄懷水榭公所退食染翰之地不勝今昔之感而所
謂某翰林者至今人不欲道其名披公是冊不自知百
端之交集也是冊爲韻初孝廉己未秋應試杭州獲與
公晨夕因得此生平傑作茲於鐵沙兵燹之後攜以自
隨珍若球貝信乎有神物護持矣

宋人尺牘跋

自唐模王珣外凡十一家爲詩翰十四通舊藏蔣氏池
上書堂屢經先大父鑑賞道光中歸余家益以舊藏李
公擇一簡裝成十二開滕君逸湖好古多收藏復贈余
黎惟敬宋人妙蹟四字綴之幀首珍皮三十餘年不輕
示人蔣氏尚有元人尺牘一冊不可物色時往來胸臆
間庚申之變家藏散佚是冊猶攜篋中比來海上晤鐵
沙沈孝廉韻初有翰墨之契去秋孝廉忽得元人冊欣

喜示余欲請歸是冊以成合璧余既諾之矣未幾孝廉家亦遭亂與余同客海上而元人冊亦幸而獲存豈偶然哉豈偶然哉孝廉匆匆將挈家北行從此相見不知何日於是謀合兩美其意益堅若惟恐一離而不可復合深負鬼神護持之力余何敢不亟踐前約以成此翰墨緣耶韻初獲此二冊護如頭目其珍惜不知何如而先人遺蹟得合并以垂不朽余之感幸又何如耶爰志其顛末如此而歸之

元人尺牘跋

吾蘇蔣氏池上書堂藏宋元人手蹟二冊先大父皆有

西園集卷二

九

題跋道光中余家得宋人一冊其元人冊流轉數處以未獲一見爲憾茲以避亂海濱獲晤韻初孝廉於鐵沙雲林清祕不讓朋賢近忽得元人冊完好無缺計二十八人爲詩簡二十六通以余所藏宋人冊尙攜篋中出以相示延津之劍復聚一所並凡互觀良非偶然余生平酷嗜前人名蹟而自恨不能力學未得窺見翰墨精微今老而無成對之益增慙汗他日當以宋人冊併歸之韻初以成此一段翰墨緣耳韻初屬志顛末於元人冊後時咸豐辛酉仲冬距先大父題冊時甲子適一周

擲筆慨然

王原吉手書詞翰跋

席帽山人以詩名行草初非經意而神韻乃爾山人元末避難於松江之青龍江復徙上海之烏涇築草堂以居自號最閒園丁張氏據吳大府交辟堅臥不就讀此詞可想見清風高節也

王麓臺山水長卷跋

司農此卷力追北苑而得其神髓思翁見之當有把臂入林之樂廉州石谷一齊俛首矣韻初孝廉既藏此卷近復得司農九日題詩卷乃全法子久題曰辛巳九日適成則落墨更在是卷之前蓋旣樵子久又上溯北苑司農當日作畫之勤可以想見宜乎造詣精微駸駸乎方駕古人也九日卷尙未裝成並識於此韻初所藏司農劇蹟甚夥此二卷可云雙璧矣

文氏父子尺牘跋

吾吳勝國文苑首推文沈皆以世家令嗣立品簡貴操行峻潔喬梓濟美壙簾競爽爲鄉里重非若唐祝輩僅以翰墨見長也石田後人不甚著衡山則累葉清芬至國初流風餘韻不絕余家藏文氏族譜一帙自溫州公迄文起相國下迨愜庵古香輩代有令聞動人景仰亂後佚去至今耿耿此卷雖寥寥數行隨意揮灑想

見當時詩禮庭階文采風流照映几案可寶也人事代謝世變風移十年前與里中耆舊畱心文獻欲訪一文氏子孫不可得俯仰三百年不勝感慨係之讀是卷輒復志之

元僧善繼血書華嚴經跋

是經自元至正乙巳至今五百有餘載歷劫不磨者屢矣先大父光祿公於乾隆乙卯嘉慶壬申甲戌戊寅凡四度展閱先鄉賢公亦嘗侍觀二次又偕從父文恭公同觀一次悉有題記惟余小子自童時撰杖山塘迄於退老游屐經過不知凡幾曾未得一瞻法寶甲子春亂

西園集卷二

三

定旋里過半塘尋壽聖寺大半傾廢訪是經無知者悵然而返以爲與經無緣矣今年五月十二日爲余六十初度避喧謝客攜兩子兩孫偕程君學圃秦壻寅生泛舟青山綠水間畱連日夕返櫂過半塘忽見岸旁古寺題曰龍壽山房遂扣門老僧根脩出迎亟問經存否曰無恙特稍殘缺耳詳考寺址方知前此所訪乃龍壽之前院龍壽爲壽聖之後院於叢殘梵夾中捧持檢點歡嘉讚歎詫爲無意中勝因秋間再往請全經十七篋歸屬程君緝校一過程固長齋奉佛弟子也間有缺佚屬補書之命工裝治煥然復舊觀仲冬七日送歸山房付

根脩永鎮山門竊念是經以宋文憲母夫人感夢而始
顯厥後護持而提唱之者已非一人余小子以生平未
見之寶適於母難日始獲瞻禮遂發願重加整治佛氏
所謂緣者信如斯之不可思議乎謹識原委於卷末願
以此一段勝因爲先生妣袁太宜人增助福果證明菩
提超升法界云時大清同治六年丁卯十一月子觀保
康保孫志詒志棠侍

居易金箴恭跋

遵祁幼侍先大父三松公左右斗室中手書箴銘黏壁
間殆徧有曰懲忿窒欲止念省言有曰清心凝神養氣

西圃集卷二

三

保精有曰目宜常運口宜常閉津宜常嚙腹宜常摩四
支宜常動搖有曰抱一藏六知雄守雌有曰省費心皆
行樂地休饒舌是攝生方有曰忠孝植根基儉勤達支
幹邊欲防動搖存理綿壽算有曰不論窮通知足便能
稱意無邊風月得閒卽是主人有曰惜食惜衣非爲惜
財是惜福求名求利須知求已勝求人有人曰抱沖曰簡
緣此四字後三十年遵祁卽取以爲號公生平不喜服
藥中年患咯血日服藕汁童便七十後遂不復作先鄉
賢公少亦患是時公在京師寄書數千言戒勿藥尋愈
遵祁兄弟童時退自塾必令習靜坐食不重味晚僅啜

雙弓米一盃酒不常飲飲必極醇者三蕉而止見人吸
淡巴菰必斥以爲喫火爲其傷肺也年九十一以壽終
公之清德照鄉里厚澤貽子孫載在家乘此居易金箴
一帙蓋公生平攝養得力處嘗自刊以行世今謹校重
付剞劂因述此附於後亦竊比數典不忘之意云

一得錄恭跋

先鄉賢公通籍後家居侍養垂三十年定省之暇手一
卷不釋尤專意編輯宋儒理學諸書此一得錄四卷則
皆自抒心得一卷凡六十八條二卷九十條三卷八十
七條四卷四十三條公自序引張子心有所開卽便劄

西圃集卷二

垂

記不思還塞之語故隨錄所見以備遺忘當時寒暑無
閒惟日孜孜實未嘗有止境年六十有六遽先祖庭而
逝所著遂止於此遵祁奉是遺編不敢稍有損益前於
道光戊戌偕仲弟校刻周程張子合鈔朱子節要鈔得
心編高子講義薛子讀書錄鈔並是編凡六種爲不遠
復齋遺書粵寇之亂板片盡失謹先取是編重刊行世
先公眸益形容恍然在目而自恨賦稟鶩鈍老而無成
循誦之餘彌深慚惕而已

不遠復齋雜鈔恭跋

此不遠復齋雜鈔爲先鄉賢公手寫稿凡上下二卷在

遺書之外者上卷題曰立身治行之要下卷題曰攝生
養性之助前於丁酉年先刻上卷行世板毀於亂今合
二卷敬謹編次重刊一以端志學之基一以示頤生之
旨庶幾終身免於暴棄云

祖容圖恭跋

同治十二年三月大阜支裔樹鏐晉齡至蘇勸輸重修
宗祠攜來祖容圖一巨幅屬重付裝池遵祁敬謹展仰
知爲本支創建宗祠始祖德輔公及公五子兩世遺像
考吾大阜之潘實白公始振是圖爲思忠公十二世孫
奕才所摹久庋祠中粵寇之亂全村被擾死亡相繼是

西圃集卷二

畜

圖得支下務農子姓奉持負戴於流離瑣尾中閱三載
之久始終無恙非先澤畱貽之厚後人保護之誠安能
歷劫不磨如此裝成謹識顛末俾後之子孫知所考焉
樹鏐爲思恭公十三世孫晉齡爲思忠公十五世孫遵
祁則思忠公十四世孫於兩人之返也俾攜歸祠中春
秋享祀優乎如見愾乎如聞我大阜世世子孫其永寶
之

祐公元延祐己未生明永樂甲申卒享年八十有六子
五賢字思齊昌字思義隆字思恭慶字思忠貴字思敏
配余氏

繼配汪氏元後至元丙子生

賢公元至正辛巳生明永樂戊戌卒享年七十有八

配呂氏元至正壬午生明永樂己丑卒享年六十有八
昌公元至正丙午生

配羅氏

隆公明洪武戊申生明正統丁巳卒享年七十

配吳氏元至正癸卯生明景泰丙子卒享年九十有四

慶公明洪武辛亥生明景泰丙子卒享年八十有六

配汪氏明洪武辛亥生明宣德壬子卒享年六十有二
貴公明洪武甲寅生

配江氏

西圃集卷二

五

松下清齋圖卷跋

松下清齋者外大父謹庭先生藏法書名畫之所也庭
有古松一株扶疏暢茂濤聲盈耳其傍疊石種花境甚
幽敞山舟學士書榜石庵相國製楹帖云丈石喬松都
伴侶法書名畫是熏脩於是蓬心太守作圖一時名流
如覃溪閣學瘦銅舍人稚存夢樓兩先生未谷少尹小
松司馬白丁廣文暨先大父俱有題詠嘉慶甲子尤一二
娛大令攜以游浙失之中途而白丁詩以未莊獨畱奚
鐵生布衣聞之重爲繪圖願直幅不與前稱先生乃屬

宋芝山廣文復繪橫卷函請閣學重寫舊作吳穀人祭酒作長歌紀之而前卷則不可蹤跡矣先生歿後頗聞爲張叔未解元購去續徵題詠甚夥雅安表兄物色之不得庚申之劫故家遺物散弃無算城復後清齋獨存占松已萎新之表姪補種一松請余重書齋額猶守藏一二手澤愛護倍至芝山卷亦無恙也距庚午江甯鄉試新之忽得前卷於試院前骨董肆中雖斷楮零落而蓬心畫罩溪題幀首及詩完好如舊後惟存瘦銅舍人及船山太史子師退大令詩出佛頭十二餅易得之詫爲意外之獲閣學與先生交最深前後手墨越六十七

西圃集卷二

美

年而聚於一處尤爲奇事豈偶然哉是科新之不得與科舉旣歸攜兩卷備述顛末請余記之余笑語之曰不得科舉得是卷勝得孝廉矣卷畱案頭三閱寒暑每一展玩恍惚垂髫時從吾父母至外家嬉戲於古松之下親見先生與先大父先嚴抵掌論古光景也今屆癸酉新之早得科舉而淡然不赴余重檢兩圖識其原委而歸之更以見新之之所以誦清芬綿世澤者意不在科名而在行誼尤足爲先生慶豈獨是圖之珠還璧合已哉

國初曹孝子廣攄刲股療母母起孝子以創受風旋殞
吾鄉汪鈍翁先生爲之傳曰孝子之死論者執毀傷支
體非古聖人訓又非國家令甲所聽頗疑之豈知當勢
危情迫藥不瘡禱不應欲控籲而靡所奚暇古訓之遵
而禁令之卹故孝子雖死無憾也余觀包生之室嚴割
臂療夫事絕相類婦之事其所天與子之事其所生一
也今 國家且予旌矣圖之詠之也固宜

書吳貞女節略後

嘗讀吾鄉堯峯汪先生孝貞女志銘記宋氏女聞計孺
子之赴自誓曰吾生死爲計婦其父旣庭氏欲以歸計
而孺子之父甫草氏以女年少難之女不食而死計大
梅引舟載其棺以歸先生銘之曰用警積風閨房之則
蓋守貞者女子之志也因其志而成之所以全其志也
今觀山陰吳貞女歸劉荔清事益嘆吳之所遇十倍艱
於計而劉之遠族西屏者其卓識高見且遠出甫草氏
之上也假令宋女早歸於計其所以奉尊章和娣姒以
延宗祧者必能大竟厥志而僅以身殉可哀也已今荔
清之死上無父母旁無兄弟近族并無可承祧者而女
志同金石其母不忍拂之乃達於劉之疏族少英少英
諾之而未果西屏者較少英而更疏聞之毅然曰家有

節婦數世祖宗有榮施予亦同姓何待彼爲乃商之荔
清之中表張部郎度及舅王給諫書瑞擇吉假館而迎
之旣西屏以他事去女無所依仍寄母家將嗣遠族之
姪而終歸於劉尙有待也嗟乎以吳之遇比之於宋豈
可同日語哉徒以其百折不回之志但知生死爲劉婦
不恤其他是誠堯峯所謂閨房之則可警殲風者矣抑
余竊有望者劉氏有此節婦天必不終歿其祀則求之
遠族得使女終於劉以養其未亡之年爲同姓計久遠
君子有終有功而不德微西屏其誰與歸乎且方今

國家崇尚貞節直省大吏以貞女臚陳請獎者卽時

西園集卷二

文

報可盍再商之王給諫張部郎以大彰吳之苦志以慰
荔清於地下乎余不識西屏彌甥汪介着自津門歸以
蓀農韓君所爲貞女節略乞爲文以記之因論敘之如
此

大父手簡恭跋

先大父與吳竹橋先生書三通劫後獲之虞山友人處
先生諱蔚光昭文人乾隆庚子進士初登詞館繼改儀
曹志尙幽閒早辭華廡覃研文史嘯傲湖山跌宕琴尊
搜羅詩畫載王蘭泉司寇蒲褐山房詩話中先生尤精
於金石訓詁大父題其閉戶著書圖云彩筆一枝書萬

卷廿年眞羨自由身可想見其高致嘗與大父書云百里之遙而將有十年之別蓋先生足不出戶自云視入郡如畏途惟壬戌春一至與大父會於范支山編修洽園是秋大父游虞山又與先生會明年遂卒先生又有一書論浚長之學卷中第一通卽答先生所寄也其二通亦同時事故有談讎未久云云今先生兩書俱藏余篋中惜其生平著作甚富未及刊行大父輓先生詩云撫到枯桐憶子期平生心事幾人知怕翻舊榻三通帖枉寄新編千首詩吾谷有僧招放艇洽園何日更銜卮可憐星鬢荆南客猶作聯牀聽雨思

謂令弟槐江同年

老輩文

西園集卷二

无

字之交風流如昨展誦是卷感慨係之

書蔣君南香遺像後

南香蔣君與余居同閨初不相識歲戊申以里中議平糶始來訪余一見如故其爲人也質直而好義與人交言而有信爲人謀必忠家素業賈君藏貨而得人以行之人之歸君也必先慮其身家而後用其材力故君之友多誠信可倚者得其繩約其人往往亦能世其業以自立以助君以始終不倦今距君之歿十餘載君長子于千茂才亦物故次子香生太守服官於外而家事一如君之在時可以想其左右之得人效且遠矣憶道咸

間與君數相過言必及義不爲小慧有疑事立剖決無
滯余以是益重其爲人已酉吳中大水余隨里中耆舊
籌賑務君獨約余募同志收養耕牛設厰於葑盤門外
每一牛質千錢授以券而代芻牧之水退各持原直來
放還不論息貧者且寬其直凡收牛六百頭病倒者二
十餘餘盡歸耕猶以貲匱不能養多牛爲憾事竣又設
粥厰二以濟貧農一日來言曰今旦粥皆竭僉謂鬼食
奈何無己先有以委之余曰善爲製告疏二通與之君
持往潔蠲用享盛服躬自誦疏焚之人或笑其迂自後
糞粥竟如恒克蕪厥事庚申之亂余自山中遷滬聞君
先在亟訪之而君以病且憂旅歿遂不復見今夏香生
因公旋里出君遺像屬題展念疇昔爲感歎者久之君
生平以孝行稱歿後聞於朝旌表如例又嘗董郡中
育嬰堂事釐剔積弊多所存活其他嫩行詳馮中允所
作傳中君之勇於爲善由天性而之所以能任事則得
人之效爲多余前所云固非但言其能治生也余妹登
汪杏春司馬及臨君病舊貸君金若干君自知不起呼
僕取牀頭篋手取券焚之曰世事如斯毋畱此區區也
其始終好義如此余年來多病杜門寡交顧偶亦關心
世故每念安得知君者十數輩畀以實事事當無不行

乃求一二而難之重爲鄉黨惜此人豈特故交零落之感哉

爲范寶卿主鬯跋其家藏長白先生手蹟冊

長白先生少孤力學以進士歷官中外有勞於國而不
竟其才及拂衣歸有施於家克保其令名子孫皆善繼
其緒公固范氏之完人也其家乘列之賢裔允矣哉方
公擒鳳克平武魯卓然以建功立名爲志卒遭誣謗使
不復措意於用世晚乃依天平祖墓以居振興義澤克
有其亭榭池館之樂公之所失在彼而所得在此語曰
施於有政是亦爲政緬公生平令德壽豈同時華亭尙
書恐未易與爭衡也世咸稱公書似華亭淺之乎論公
矣

書魏叔子所撰姜貞毅先生副室王孺人墓志後

見叔子文集及姜氏族譜

孺人出三原尙書王端毅公諱恕之後父諱永徙廣陵
業鹽莢家巨富其歸貞毅也正室董氏已歿董生勉中
先生諱安節王生學在先生諱實節叔子集中稱王爲
少君姜氏譜載此文則稱副室兩處互有異同按孺人
爲世家女其事貞毅又在董氏歿後故叔子不以副室
稱之而稱曰少君先生則未奉父命雖孺人極亂離艱

苦之遇終不敢躋生母於繼室是先生之孝謹也其微
意可會也叔子集中無董氏先歿一語譜中則有之意
當時戎馬間關孺人歸貞毅未及成禮正名叔子之稱
少君固自有見而先生直以副室稱其生母其孝謹之
思可敬而尤可傷也孺人墓在銅井山之原當時必鐫
此文納幽室祔於丁丑三月訪得先生之裔名浩祥者
偕往銅井啟墓冀得一碑文爲證而葬深不敢推求故
未能豁然無疑幸於墓旁得吳蘭次詩石其詩曰我友
姜公子誠因至孝通結廬千嶂裏奉母萬花中水與腸
俱繞雲隨思不窮獨憐風木恨兩地正相同襄事歸吳

日尋君亦在山碧嵐連草舍香雪冷松關助哭猿聲慘
聞悲鶴夢還遙看千樹葉都染淚痕斑庚申九月寄訊
學在茂才於銅井墓所時余亦以營葬西還又旁有一
冢爲其殤子立石文曰亡男四郎之冢萊陽姜學在立
石父名實節字學在母郭氏庶母邱氏出康熙己未年
八月初八日辰時生於吳郡流寓專諸里之藝圃壬戌
年二月十一日辰時以痘殤距其生年四歲是正穴爲
孺人之墓毫無疑義又按姜氏譜例元配繼室合葬者
不書其另葬者乃書側室祔葬者乃書不祔則不書孺
人未祔葬故不得書先生雖嘗修譜未敢輕改譜例因

於生母兆旁特立吳公詩石以表之而其妻妾則附見
殤子之碑殆有深意乎且以生母未得耐葬已亦不忍
與妻合葬諱審孺人家頗寬疑郭氏邱氏亦耐墓中顧
無明證存此臆說可耳叔子文又言孺人與貞毅相失
時偕趙氏徐氏潛伏草中間道追尋時戎馬塞途呼趙
氏爲母徐氏爲姊意二人久於姜亂後無所歸故倉卒
中以其年長作是稱流離瑣尾情事可想而譜中則稱
爲兩婢亦先生終不改父之臣之意叔子集中稱僕婦
固兩無礙也

